



# **HAY BADANG AN NALPUD ABUNIYAN**

Hiyah te Hinayup  
Watson Goodman

Libli — Adi Mila'u

# **Hay Badang An Nalpud Abuniyan**

Nan nitudo' eten libnu an nungngadan hi BADANG AN NALPUD ABUNIYAN, ya numbino'ob'on di nalpuwanah nan Biblia, ya na'uhig di itudun di hinohhah nalammung hi nitudo'. Hay inila'hi ma"aphod hi pannigan tu'uh nan adi tu'u ma'awatan an nitudo' hi Biblia, ya nan wah Bibliay panganapan, ta hiyay mangibaag, ya bo'on hay intudo' di tagu.

Hay nalpuwan nan Hapit Apo Dios ya "ad abuniyan", ya ongol Gulat ta muntutuyu nan taguh baholna ta du'gona, ya ayagana nan Apu tu'un hi Jesu Kristu ta miyodol ay hiya, ya kulugonah nahamad an nan Apu tu'un hi Jesu Kristuy Baliwna, ya ipale'nan Apu tu'uy awadanah nan taguh niyodoiana, ya ipa'amlongna ya impalenggopna. Hiyah ne na'at ay ha"in hidin 1937, ya agguy'u ahan din'ug di ni'hin'agiya' ay Apu tu'u ta nangamung ad ugwan. Gulat ta agguymu inabulut hi Kristuh Baliwmu ya Apum, at al'alu'o'he"a ta abuluton AD UGWAN.

—Watson Goodman (1920-2002)

## Nan iRoma 5:8

Inyatoy damdama ditu'un Kris-tuh din agguy na'aliwan di bahol tu'u, at hiyah ne panginnilaan hi aat di pamhod Apo Dios ay di-tu'un nidugah!

## Hay Nipa'innilan Juan 1:5

Hi Jesu Kristu ya na'ahhamad di nangulgudnah nan makulug an tugun, an hiyah na'abbagbagtun namahuan hi natayana, ya un an amin di mamahuan, ya hiyah mumpapto' hitun luta; ya ta''on nan a'alida, ya ipapto'na goh.

## Juan 13:1

Mabiggat, ya hiyah gotad di Huduyuh nan Punnomnomandah

Nunlapawan di Anghel Apo Dios Hinan Tatagu. Ya inilan Jesus an magadyuh di pumbangngadanah nan nalpuwanah wadan Amana, at taynana tun luta. Ya pohpoh-don Jesus nan nangulug ay hiyan taynanah tun luta, ya impattig-nay pamhodnan didad nangamung un natoy.

## Juan 3:16

Hiyah ne aatna, ti nidugah di pamhod Apo Dios hinan tataguh tun luta, at hennagna han oh'oh-han imbaluynan dida, ta an amin di mangulug ay hiya, ya adida mi-lahhin ay Apo Dios, at mi'tagudan hiyah mid pogpogna,

# Hi Jesus ya Apo Dios

**Mateo 1:22, 23**

Heten na'at, ya hiyay nangipa-'annung hidin impitudo' Ama tu'uh din nun'alunonah nan tata-guh penghana, ti inalinay, Muhabi han babain mid ah lala'ih nangelo' ay hiya, ya muntungaw at lala'i, ya hay mingadan, ya hi Emmanuel, ya nan alyon di hapitan Emmanuel, ya alyon tu'uy, wah Apo Dios ay ditu'u.

**Juan 1:1, 14**

Hidin hopapnah agguy ni' naluwan an amin di logom, ya wagwada tuwalih Kristu, an ma'alih Punhapiton Apo Dios. Ya niihin-nah wadan Apo Dios, ya hiyah Apo Dios tuwali. Henen ma'alih

Punhapiton Apo Dios, ya na'amman hi tagu, at ni'hinah tun lutan ditu'un tatagu. Ya nidugah di nanalimunah nan tatagu, ya ma'akkulug di aatna. Ya tinnig tu'uy anabagtuna, an hiyah ne anabag-tun han unohan Imbaluy Apo Dios.

**Juan 14:9, 10a**

Tembal Jesus, ya inalinay, Uya'-ay ninidduma' ay da'yun amin, ya anaad ta agguymu inilay aat'u Felipe, ta alyom hi un'u ipattig ay da'yuh Ama? Nan tagun nannig ay ha''in, ya tinnigna goh hi Ama. Undan adim kulugon, Felipe, an hi Ama, ya wadan ha''in, ya wadaa' goh ay hiya?

## 1 Juan 4:15

An amin di mangibaag hi un Imbaluy Apo Dios hi Jesus, ya diday nun'imapitan Apo Dios, ya dida goh di mun'imapit ay hiya.

## Lukas 1:35

Tembal nan anghel an inalinay, Umalin he''a han Na'abuniyanan an Lennawa, ya waday aton Apo Dios an Na'abbagbagtun he''a, ti do'ol di abalinana. Ya hiyaat un ma'алиh Imbaluy Apo Dios heden ung'ungngan napilin mitungaw.

## Isaiah 9:6

Waday mitungaw ta middum ay ditu'u, at awniat hiyay mangipapto' ay ditu'u; ya hay aat di

haadnah mingadan ay hiya, ya hi Na'ahhamad an Muntugun, ya hi Apo Dios an Nidugah di Abalina-na, ya hi Ama tu'un Adi Mapog-pog, ya hi Imbaluy di Alin Dumatlat hi Alenggopan.

## Nan iKolosi 2:9

Wadan amin ay Kristu nan ugalin Apo Dios.

## Mateo 17:5

Otog di punhaphapitan Pedro, ya hin'alina, ya wada han humilin bunut, ya nahlig, at nitungol ay dida; ya waday munhapit hinan bunut, ya inalinay, Hiyah ne Imbaluy'un pohpohdo', at pa'idyam-lao' hiya, at kulugonyuy alyona!

## Hay Nangibaagan Jesus hi Aatna

**Juan 8:23**

Tembal Jesus an alyonay,  
Da'yu, ya tun lutay nalmuwanyu;  
mu ha''in, ya nalpuwa' ad abuniyan.

**Juan 11:25**

Inalin Jesus ay hiyay, Ha''in di  
mummahuh nan tagu, ya ha''in  
goh di mangidat hi ataguanda. At  
nan tagun mangulug ay ha''in, ya  
ta''on unda matoy, mu mi'tagudan  
Apo Dios hi mid pogpogna.

**Juan 6:35**

Inalin Jesus di, Ha''in di ay ma'-an an dumalat hi pi'taguan ay  
Apo Dios hi mid pogpogna. Ti nan  
tagun mangabulut ay ha''in, ya  
mipalenggopdah mid pogpogna,

an paddungnay adida ipidpidwan  
mahinaangan, ya ma'uawaw.

**Juan 13:13**

Alyonyuy ha''in di Muntudtudun  
da'yu, ya ha''in hi Apuyu, ya  
immannung an nepto' nan inaliyu.

**Juan 9:5**

Nan wada' hitun luta, ya mi'id  
paddungnay ahdomana, ti ha''in  
di paddungnay potang, an mama-tal  
hinan tataguh tun luta, ti ipa'-innila'  
nan makulug an ma'unud  
ay dida.

Tembal Jesus an alyonay, Im-mannung heten alyo', ti wagwadaa'  
tuwali ya un mitungaw hi Abraham.

—Juan 8:58

Lukas 5:5, 6

Tembal Simon, ya alyonay,  
Apu, inlablabimin himmiduhidu',  
mu mi'id ah hinidu'mi! Mu ta''on,  
ya inalim, at ipadahmi goh. Ya in-  
atda, ya do'ol di na'nah ekan, ya  
hi'itangan mapi''i nan hidu'da.

Mateo 14:19-21

Impabun Jesus nan tataguh  
nan way holo'; ya innalna din le-  
man tinapay, ya din duwan ekan,  
ya intangadnad daya, ya indenol-  
nah den tinapay ay Apo Dios. Ya  
inupe'upengnah den tinapay, ya  
indatnah nan intudtuduwana, ya  
impiyapongdah din tatagu. Ya  
nangandan amin, at nun'abhug-

da. Ya inamung din intudtuduwana  
din na'ang'ang, ya himpulud  
duway bahkit hi napnu. Ya mid  
mapto' ya lemay libuy linala'ih  
nangan; ya wadaday binabai, ya  
ung'ungungngah niddum an ne'-  
'an.

Mateo 20:30, 34

Hidih nan pingit di kulha, ya  
duwaday taguh nabulaw an i-  
num'umbun. Ya dengngoldan hi  
Jesus di maluh, ya numbugaw-  
dan alyonday, He''an Ap'apun  
David, ya igohgohan da'mi ni! Ya  
inggaohgohan Jesus, at dinapana  
nan matada, ya himbumagga ya  
mitigaw, at inunuudda hiya.

# Hi Jesus di Nunlumu ya Apu Goh

## Hebreo 1:2

Ad ugwan an agadyuhan di angunuhna, ya nan Imbaluynay numbaagona. Ya hiya goh nunlumuwon Apo Dios hinan luta, ya an amin di logom. Ya hiyay pento'na goh hi mummoltan amin hi tataguh awni.

An amin di nalmu, ya hiyay nunlumuwon Apo Dios, ya mi'id ah ohah nalmu hi un bo'on hiyay nunlumu. —Juan 1:3

## Nan iKolosi 1:16

Hi Kristuy nunlumuwon Apo Dios an amin hinan wad abuniyan, ya nan luta, ti limmuna nan mattig, ya nan adi mattig goh. Ya ta'"on un nan na'ahi'uhig an him-

pampun an mumpapto' ad abuniyan, ya nan a'apuda, ya nan na'abbagbagtun a'apuda goh, mu hi Kristu damdamay nunlumuwon Apo Dios an amin hinan logom, at hiyay okod ay didan amin.

## Nan iRoma 14:9

Natoy hi Kristu, ya namahuan, ta hiyay Apun nan matagu, ya nan nun'atoys.

Innaynayun goh Pedron him-mapit, ya inalinay, Hay mahapul, ya an amin di Hudyu, ya iham-hamaddan innilaon an heden lala'in impilanhayuh nan numpinnaktiw an ayiw, an hi Jesus, ya hiyay pento' Apo Dios hi Apu tu'u, ya Ali tu'u. —Hay Na'na'at 2:36

# Hi Jesus di Munhumalyan Amin

7

## Nan iRoma 14:10

Anaad ta nan udumnan da'yu, ya ipanuhuyu un nun'appuhi aton di udumna? Ya anaad ta nan udumnan da'yu goh, ya pahiwonday udumna? Mu okod hi Apo Dios ene, ti awnid udum hi algaw, at hagangon tu'un amin hi Apo Dios, ta humalyaon ditu'u.

## Nan iRoma 2:16

Hi awni at punhumalyaon Apo Dios hi Jesu Kristu, at ipa'innilana hanan ninomnomdan agguy ni pa'innilah din ataguda, at hiyay panumalyanan dida, ya nan aat nan punhumalyaan Apo Dios, ya niddum hinan Maphod an Ulgud an gun'u ulgudon.

## 2 Timiti 4:1

Mandalo' he''a, Timiti, ta ipap-hodmun mangunud eten itugun'u, ti innilan damdama Apo Dios, ya innilan goh Apu tu'un hi Jesu Kristu, an hiyay mangipanuh hinan mun'atagu, ya nan nun'atoy hinan ina'inatda. Ya manu ay imandal'u, ti mumbangngad hi Jesu Kristun mumpapto'.

## Hay Na'na'at 10:42

Minandalna da'mi, ta way atonmin mangul'ulgud hinan maphod an ulgudnah nan tatagu, ya ta way atonmin mangihtigun im-mannung, an hiyay pento' Apo Dios hi mangipanuh hi ina'inat di mun'atagu ya nan nun'atoy.

## Hi Jesus ya Anggay di Namla' hi Tagu

### **Hay Na'na'at 4:12**

Mid ah mamaliw ay ditu'u, an anggay hi Jesus, ti mid ah ohah impa'innilan Apo Dios hinan tataguh tun lutah mamaliw ay ditu'u, mu anggay hiya.

### **Juan 10:9**

Ha''in di paddungnay pantaw di abung nan kalnilu, ti nan paddungnay kalnilun humgop hinan abung, an nan tagun mangulug ay ha''in, ya nabaliwanda; ya halimuna' dida, ta umatdah nan kalnilun pumitaw, ta umuyda maning hi ononda, ya unda goh humigop.

### **Juan 14:6**

Alyon Jesus ay Tomas di, Ha''in ya anggay di dumalat, ya un way umuy hi wadan Ama. Ya ha''in goh ya anggay di nalpuwan nan nahamad an tugun, ya ha''in goh di dumalat hi pi'taguan ay Apo Dios hi mid pogpogna; ya mi'id ah umuy hi wadan Ama, hi un bo'on ha''in dumalat.

### **Juan 8:24**

Inalin Jesus di, Hay atayanyu, ya wagwaday baholyu. Immannung an adiyu ay kulugon din inали' hiaat'u, at hay atayanyu ya wagwaday baholyu, at adi mabalin an umuy ayuh nan umaya'.

# Hi Jesus ya Anggay di Namla' hi Tagu

9

## Lukas 19:10

Ha''in an Napto' an Nitulang hitun Tatagu, ya immalia' ta way ato' an mamaliw hinan nibataan ay Apo Dios, an paddungnay nati-la'da.

## Nan iKolosi 1:12-14

Munluwalu ayun Ama tu'ud al-yonyuy un ayu mundenol enen ma'ma'at ay da'yu, ti impaphod ditu'ud way aton tu'un mi'boltan hinan ipaboltanah nan tataguna, at middum tu'un amin hinan pumpapto'an an paddungnay napatalan. Ya binaliwan ditu'uh nan pumpapto'an nan diyablun nahel-

ngan; ya iniddum ditu'uh nan pumpapto'an nan pohpohdonan Imbaluyna; an hay natayanay dumalat hi nabaliwan tu'u, at inaliwanay bahol tu'u, ta adina u'unnungon.

## Hay Nipa'innilan Juan 5:9

Waday baluh kantan ingkanta dan inaliday, He''ay way biyang-nan mangngal hinan nali'up an pepel, hi mangaan hinan ammid-na; ti he''a din napatoy, ti hay dalam di namallogmuh nan tatagud tagun Apo Dios, ti waday napal-gan an amin hinan numbino'ob'on an holag di ahimpahimpamabluy, an numbino'ob'on di hapitda.

Inyatoy ditu'un Kristuh din ag-guy na'aliwan di bahol tu'u, at iyal'allanad ugwan, an atonay maphod; ti ad ugwan ya ibilang Apo Dios an nahamad di ugali tu'u, an dimmalat nan nibugha'an di dalan Kristu; ya henen maphod an aton Kristu, ya hay pamaliwanan ditu'u, ta adi ditu'u moltaon ay Apo Dios. —Nan iRoma 5:9

### Nan iEpeso 1:7

Hay na'at, ya nibugha' nan dalan Kristuh nan nilanhaanah nan numpinnaktiw an ayiw, ta way atonan mangibo'lah nan bahol tu'u, ta way atonan ma'aliwan, at ma'u'unung, ti nidugah di pangipadutu' Apo Dios.

Naptangan ay di ugali tu'u, an umat ay hiyan ay potang di ugali-na, at mumpopohhodan tu'u, ya gun ma'aliwan an amin di bahol tu'u, ta adi ma'u'unung, ti dimmalat di natayan Jesu Kristuh nibugha'an di dalana. —1 Juan 1:7

Binaliwan Apo Dios mahkay da'yuh nan inunudyuh din hopapnan mid hulbina, . . . mu bo'on hay balitu' di namaliwnan da'yu, an mid hulbinah awni; ti nan ongol di ihulbianay namaliwnan da'yu, an nan immayuh an dalan Kristuh natayana, an umat hinan dalan di uyaw an kalnilu an ne-nong, an mi'id am'amungit hi namuhih odolna. —1 Pedro 1:18, 19

## Nan iRoma 5:1

Imbilang Apo Dios an nahamad di ugali tu'un dimmalat nan pangulug tu'u, at malenggop tu'un da Apo Dios, ti dimmalat henen inat Apu tu'un hi Jesu Kristun ditu'u.

## Nan iEpeso 2:8, 9

Hay nangipadutu'an Apo Dios ay ditu'uy nabaliwan tu'u, an dimmalat nan pangulug tu'u, ya bo'on hay aton tu'uh maphod di dumalat hi abaliwan tu'u, ti unna idat, an adi mapalgan. Ya bo'on hay pinadah tu'uh ina'inat tu'uh maphod di nabaliwan tu'u, at bo'on hiyay iting'i tu'u.

## Juan 20:31

Intudo''u hatun udumna, ta way pangulugan nan mamahah un immannung, an hi Jesus di Imbaluy Apo Dios, an nan Pento'nah Mangipapto' hinan tatagu; ya ta da'yun mamaha, ya mi'tagu ayun Apo Dios hi mid pogpogna, ti dumalat nan panguluganyun nen aat Jesus.

## Juan 6:28, 29

Inalin nan tatagun Jesus di, Hay atonmi mah, ta way atonmin mangat hi pohdon Apo Dios? Ya tembal Jesus ya inalinay, Hay pohdon Apo Dios hi atonyu, ya kulugona' an hennagna.

Nidugah di anta'nang ad dayan mid pogpogna, ya umat goh hinay aat di pamhod Apo Dios hinan tatagun mange'gon ay hiya an nidugah ahan. —Psalm 103:11

### Psalm 103:17

Nan tagun mange'gon ay Apo Dios, ya nidugah di pamhod Apo Dios ay dida, an mid te''ana ya mid pogpogna; ya atona goh hinan imbabaluyda ya a'apuda an hohom'ona goh dida.

### Titu 3:5

Binaliwan ditu'u, mu bo'on hay ina'inat tu'un maphod di dimmalat hi nabaliwan tu'u, ti agguy nahamad nan inat tu'u; mu inatna damdama, ti hiyah ne homo'nan

ditu'u; ya hay inatnan namaliw ay ditu'u, ya inyimbaluy ditu'u, ti nan nabonyagan tu'uy panginnilaan, ya gunna hublian nan ugali tu'un dumalat nan aton nan Na'a'buniyanan an Lennawa.

Mid pogpog di pamhod Apu tu'un ditu'u, an mitutuluy ahan, ti abigabigat ya hohom'on ditu'u, ya adi maluman di panalimunan ditu'u. —Lamentation 3:22, 23

### Psalm 108:4

Nidugah di anta'nang ad dayan mid pogpogna, ya umat goh hinay aat di pamhodmu Apo Dios, an nidugah ahan; ya umat goh hinay aat di panalimunam hinan tatagum, ti adi ahan maluman.

## Juan 7:37

Nan algaw hi angunuh nan gotad, ya hiyah ne nan nabagtun algaw; ya henen algaw, ya timma'dog hi Jesus hinan wadan di na'amung an tatagu, ya enlotnan himmapit, ya nipa''el di nangalian inalinay, An amin di ma'u-waw, ya umalidan ha''in ta uminumda.

## Hay Nipa'innilan Juan 22:17

Ya alyon nan Na'abuniyanan an Lennawa, ya nan babain nidadaan hi alhinanay, Umali ayun middum! Ya an amin nan inayagan-dan mangngol hinan hapitda, ya mahapul an dida goh di mun'ayag hinan udumna, ta alyonda goh di,

Umali ayun middum. Ya umali ayun amin an paddungnay ma'u-waw an mamhod an uminum, ta abulutonyu nan danum an liblin midat, an dumalat hi pi'taguan ay Apo Dios hi mid pogpogna.

## Mateo 11:28

Da'yun do'ol di baholna, ya nidugah di ligatna, ya middum ayun ha''in, at ipalenggop'u da'yu.

## Isaiah 1:18

Umali ayun alyon Apu tu'u, ta munhahapit tu'uh aton tu'uh nahamad, ti ta''on hi un nidugah di baholyu an ay ayu na'addi'aan mu mabalin an ano', ta malinis ayu ahan!

1 Juan 3:10

Ma'innilah un imbaluy Apo Dios nan taguunu imbaluy Satanas, ti an amin di tagun adi mangat hi maphod, unu mid pamphoddah i'bbada, ya diday imbaluy Satanas.

Nan iPilipay 2:15

Mahapul an adi ayu mapahpal, ya mi'id ah baholyu, ta nahamad di ugaliyun imbabaluy Apo Dios, an ta'on hi un ayu ni'hituh nan tataguh tun lutan nahihinnuy ugalida, ti nibahhaw. Ya heten ni'hituwanyun diday pannigandah aat di ugaliyun umat hinan dilag an dilaganay helong.

2 iKulintu 6:17, 18

Ya inalin goh Apu tu'uy, Mahapul an du'gonyud adi ayu middum hinan ato'aton di adi kumulug, ta adiyu aton an amin di nun'appuhi, ya unudonyu ay heten alyo', at abuluto' an middum ayun ha'in. Ta ha'in di omodyu, ya da'yuy imbabaluy'u. Hiyah ne inalin Apu tu'un pa'addo'ol di abalinana.

Juan 1:12

Waday udumnah nan tatagun nangabulut, ya nangulug ay hiya, ya diday indatan Apo Dios hi biyangdad way atondan mipiyimbaluy ay hiya.

Isaiah 5:11

Adyu'a nan tagun mangete''ah helhelong ta nangamung mahdom an uminu'inum ta ma'abbutong, ti nidugah ahan di moltada!

Nan iGalasya 5:19-21

Ma'innilay aat di tagun mangunud hinan laylaydon di odoldan nappuhi, ti lumihog di atonda, ya agaga''ihaw di punnomnomanda, ya mi'halud di udumnangat hi umipabain; ya nan mumbulul, ya nan pumalliw, ya nan mi'bohol, ya nan mi'tututut, ya nan umapa, ya nan mabbungot, ya nan na'ekkotan, ya nan munlahhin, ya nan adi mangabulut hi pohdon di i'ibba-

da; ya nan ma'ma'amoh, ya nan mabubutong, ya nan mangat hi nappuhih unda ma'amung an mun'abutong, ya an amin nan tagun umat hina, an diday mangunud hinan laylaydon di odoldan nappuhi. Pinadana' da'yu, at ten ipidwa' ad ugwan, ti nan mangat hi umat hina, ya adida middum hinan Pumpapto'an Apo Dios.

Proverbs 23:31, 32

Adi ayu mabalbaliyan hinan bumutong an ma'a'amnawan hi un tu'u tigon ya adedenol hi inumon, ti do'lonyu ay di inumonyu, ya la'tot ya ay paddungnay umalat an umat hi ulog an pumatoy.

## 16 Adi Umda nan Pangatan hi Nahamad hi Abaliwan

Markos 10:17-22

Nala''uy da Jesus, ta bimma-taanda; ya otog di pundaldalananda, ya timmagtag han lala'in imuay ay Jesus, ya nunhippih inayungana; ya inalinan Jesus di, Maphod'a Apu. Hay ato' nin, an mi'tagun Apo Dios hi munnanan-nong? Ya inalin Jesus ay hiyay, Anaad ta alyom di maphoda'? Ti hi Apo Dios ya anggay di maphod. Ya hay mahapul, ya unu-dom di uldin Apo Dios an inilam: Adi ayu pumatoy; ya adi ayu umilugtap; ya adi ayu mangakaw; ya adi ayu munlayah; ya adiyu bal-baliyan an alan di gina'un di ibayu; ya e'gonanyuy o'ommodyu.

Ya inalin nen lala'in hiyay, Apu, an amin hana, ya inunud'un ne-te''ah a'ung'ungnga'. Ya penpen-hod Jesus hiya, at teten'olna hiya, ya inalinay, Wada goh di ohah mahapul hi atom. At umuy-'ad eka ila'un amin di gina'um, ya impiyapongmu nan la'unah nan nun'awotwot, at awniat umadangyan'ad abuniyan, ya umali-'ad unudona'. Ya unat goh deng-ngolnah nen inalin Jesus, ya na-kak; ya kinlutna, ya ma'allung-daya ti pa''adangyan an tagu.

Nan unudon di udumnah tagu, ya alyonday hiyay na'ahhamad, mu hay angunuhna ya matoyda ya mamoltada. —Proverbs 16:25

## Nan iEpeso 5:6

Mange'el ayuh nan tagun mid upid di hapitonda, ta adi ayu mababaliyan hinan hapitda; ti an amin di tagun umat hitun inali' an nappuhi, an adi umunud ay Apo Dios, ya ma'abbungot hi Apo Dios hi punhumalyaanan didah udum hi algaw.

## 1 iKulintu 6:9, 10

Anaad ta layahanyuy odolyu? Undan mid inilayuh un adi middum nan mangat hi nappuhih nan Pumpapto'an Apo Dios? Ti nan adi middum hinan Pumpapto'an Apo Dios, ya hay lumihog di atonda, ya nan mundayaw hi bulul, ya nan umilugtap, ya nan lala'in mi'-

yenghah ibbanah lala'i, ya umat goh hinan babain mi'yenghah ibbanah babai; ya nan mangakaw, ya nan mumpunghan, ya nan mabubutong, ya nan humiwit hi ibbana, ya nan adi mangngol. Ya didanan amin di adi middum hinan Pumpapto'an Apo Dios.

## Jaime 1:22

Gulat ta unyu donglon ya anggay henen hapit Apo Dios, ya un hay odolyuy binalbaliyanyu. Ti hay mahapul, ya unudonyu goh.

## Nan iGalasya 6:3

Gulat ta han tagun mid am'amungit hi inilana, mu alyonah nan nomnomnay, Ha''in di nabagbagtu, ya layahan nen taguy odolna.

## Nan iRoma 5:12

Din nahun an tagu, ya nabaholan, an hiyah ne bennoh an amin di tataguh tun luta. At henen bahol di dimmalat hi atayandan amin, ti nabaholanda.

## Jaime 1:15

Hay ninomnom han tagun nappuhi, ya lummuh nappuhih ma'at; ya unat goh dumo'ol henen nappuhin atona, ya lummu hi adina pi'taguan ay Apo Dios, ti hay amoltaana.

## Nan iRoma 8:6

Nan tagun mangabulut hidin ugalidah hopapnay ad poto' hi nomnomda, mu hay balloh nen atonda, ya hay ilahhinandan Apo

Dios hi mid pogpogna; mu nan tagun halimunan nan Na'abuniyanan an Lennaway punnomnomanda, ya hay balloh ne, ya hay alenggopan di punnomnomanda, ya mi'tagudan Apo Dios hi mid pogpogna.

Nan nabaholan, ya diday malmoltah nan atayanda. Ti gulat ta mabaholan han lala'i, ya bo'on nan imbaluynay mamolta; ya gulat goh ta mabaholan nan imbaluyna, ya bo'on hi amanay malmota. Ti nan tagun nahamad di ugalina, ya maphod di midat hi lagbuna; ya nan tagun nappuhi ugalina, ya nappuhi goh di midat hi lagbuna. —Ezekiel 18:20

Juan 11:43, 44

Unat goh nalpah an inalin Jesus hene, ya imbugawnan mangali, Lasalu, bumuhu'a! Ya bimmuhu' din natoy, ya nateplagan hinan teplag di natoy, an ta'on nan hu'ina, ya ngamayna, ya nan angahna. Ya inalin Jesus ay diday, Ubadonyu nan teplagnad punggina'uonyu, ta way atonan umanamut hi dolada.

Pohpohdona' ay Ama, ti abuluto' di ataya', ta way ato' an mahuan. Ya adi mabalin an hay taguy ad nomnom hi atondan matoy ay ha'in, ti ha'in di mam-hod an mangidawat hi odol'u, ta patayona'. Ya indat goh Amay

pange'koda' hi odol'un mangipapatoy, ya okoda' goh hi amahua'. Hiyah ne biyang'u, ti hiyah ne inalin Ama. —Juan 10:17, 18

Hay Nipa'innilan Juan 1:18

Ha'in di matattagu! Hidin hopapna, ya natoya', mu tigom, an ad ugwan, ya matattagua' ta nangamung. Ya ha'in di okod hi atayan di tagu, ya ha'in di mangdon hi tulbu' nan wadan di nun'atoy.

Lukas 7:14, 15a

Immuy hi Jesus hinan lungun, ya dinapanan, at inta'dog din nangdon eden lungun. Ya alyonay, La'ay, bumangon'a! Ya bimmangon heden natoy, ya himmapit.

**Deuteronomy 5:7-21**

Inalin Apo Dios di, Adiyu unudon di udumnan dios ti ha''in ya anggay di ma'unud. Ya adi ayu mun'ammah bululyu an miyengngoh hi wad abuniyan unu nan wah tun luta ya nan baybay; ta bo'on diday punhippianyun mundayaw.

Adiyu ihapit di ngadan'un Apuyun hi Apo Dios hi nappuhin hapit ti moltao' da'yuh unyu aton. Hay Habadu, ya algaw Apo Dios at ngilinonyu, ti hiyah ne immandal'un Apuyun hi Apo Dios. Ono'nom di algaw ya anggay hi pun-

tamuanyuh adumiduminggu.

E'gonanyuy o'ommodyu ti hiyah ne immandal'un Apuyun hi Apo Dios.

Adi ayu pumatoy.

Ya adi ayu umilugtap.

Ya adi ayu goh mangakaw.

Ya adiyu layahan di i'ibbayuh pangidiklamuanyun dida.

Ya adi ayu umamoh hinan ihan di i'ibbayu ya nan baluyda ya nan payawda ya nan himbutda ya nan nuwangda ya nan kabayuda ya nan malgom an gina'un di i'ibbayu.

Job 34:21, 22

Ihamhamad Apo Dios an man-nig an amin hi ato'aton nan tata-gu; ya ta''on un pa'ahhelong di ipo''oyan di mangat hi nappuhi, mu tigona damdama.

Psalm 139:8, 12

Gulat ta pohdo' an ili''udan he''a, Apo Dios, an dumalat nan bain'u, mu adi mabalin, ti gulat ay ta mabalin an umuya' ad abuniyan an mipo''oy, mu ihna'a Dios damdama; ya gulat goh ta umuya' ad dolom hi wadan di nun'-atoy, ya wada'a damdama. Ya gulat ta alyo' hi nipo''oya' hinan helong unu nan mapatal ya home-long ni' ta hiyay ipo''oya', mu hay

pannigmuh nan helong ya bo'on helong, ti hay pannigmuh nan mahdom ya umat hi mapatal.

Jeremiah 23:24

Mid ahan ah ohah mangili''ud hi baholna ta way ato' an adi man-nig, an alyon Apu tu'u. Dan ag-guyyu inilan ha''in ya wadaa' an amin hitun luta ya ad abuniyan?

Proverbs 15:3

U'uhdungan Apo Dios an amin tun alutaluta at titiggonay mangat hi maphod ya nappuhi.

Lukas 8:17

Awnid udum hi algaw, at ma'-innila mahkay di ina'inat tu'u, an ta''on un nipo''oy ad ugwan.

**22 Nan Agguy Kimmulug ya Mamoltadah Ligat hi  
Mid Pogpogna**

**Psalm 9:17**

Nan mangat hi nappuhi, ya mahnag ad imbilnu; ti an amin nan tataguh tun lutan man'ug ay Apo Dios, ya hiyah ne ma'at ay dida.

**Mateo 13:41, 42**

Ha''in an Nitulang hitun Tagu, ya honogo' nan anghel'u, ta umuydan amin hinan lutan Pumpapto'a', ta amungonda nan tagun mangitudul hi ibbadan mangat hi nappuhi, ya nan udumna goh an nappuhi pangatda, ta ipa'-wahda didah nan ongol an apuy, at kumiyoldah di, ya pungkitungda, ti mah'itanda.

**Mateo 25:46**

Mapakak hana, ta umuydah imbelnun ilahhinandan Apo Dios hi mid pogpogna; ya nan mid baholda, ya umuydah nan pi'taguandan Apo Dios hi munnonon-nong.

**2 Pedro 3:7**

Hay hapit goh Apo Dios di mangidadaan hi pangubahnah tun luta, ya ad dayan hahalimunan Apo Dios ad ugwan, at hay apuy panghobna. Ya idadaana, ta na ngamung heden algaw hi agtudan di punhumalyaanah nan nun'a-puhiaatdan linala'i, at ubahonay itaguanda.

**Hebreo 9:27**

Ma'innilan un mamengpenghan  
di atayan nan tatagu, ya hiyay pa-  
numalyaan Apo Dios ay dida.

**Hay Na'na'at 17:31**

Wada hanohan algaw an pento'  
Apo Dios an pangipahumalyaanah  
nan tataguh tun luta, ya na-  
hamad di pangipahumalyaana; ya  
hay atonan mangipahumalya,  
ya waday pento'nah munhumal-  
ya, ya hay nangipa'innilaanah  
nan pento'na, ya hay nummahua-  
nan hiyah din natayana.

**2 Pedro 2:9**

Hay na'at ay Lot ya ituduna  
nan abalinan Apo Dios an buma-  
liw hinan mangulug ay hiyay un

way ligatda; ya ituduna goh an hi  
Apo Dios, ya abalinanan ipahod  
di amoltaan nan nun'appuhi pa-  
ngatnad nangamung nan Algaw  
an Amoltaanda.

**Nan iRoma 14:12**

Hay ma'at hi awni, ya mahapul  
an ibaag tu'un amin ay Apo Dios  
nan aat di ina'inat tu'uh tun  
atagu tu'u.

**2 iKulintu 5:10**

Mahapul an mi'haggangan tu'  
un amin ay Kristud humalyaon  
ditu'u; ta an amin tu'un hinohha,  
ya din way ina'inatnah tun luta,  
ya midat di lagbuna, mu hay inat-  
nah maphod unu nappuhi, ya hiya  
goh di midat ay hiya.

1 Pedro 5:5b

Nan mangipabagtuh odolna,  
ya boholon Apo Dios, mu nan  
mangipa'ampah odolna, ya hi-  
yay ipadutu'na.

Henen na'at an dimmalat nan  
nappuhin inat Adam, ya nob'on,  
an adi umat hinan na'at an dim-  
malat nan panalimun Apo Dios  
ay ditu'u. Ti indalat nenohan la-  
la'i atayan an amin di tatagu; mu  
nidugah di nangidalatan Apo  
Dios hinan do'do'ol an tatagu,  
ti nan panalimunan an ditu'u, ya  
nan indatna goh ay ditu'uh a-  
maphodan tu'u, an dumalat nan  
panalimun nan ohan tagun hi  
Jesu Kristu. —Nan iRoma 5:15

Do'ol di abalinan nan apos-  
toles an nangipa'innilahaat di  
ataguan Apu tu'un hi Jesus hi  
namahuana; ya nidugah di  
nangipadutu'an Apo Dios ay  
didan amin. —Hay Na'na'at 4:33

Inilayuy inat Apu tu'un hi Jesu  
Kristun nangipattig hinan  
gohgohnan ditu'u; ti hidin ag-  
guyna inalian hitun luta, ya ni-  
dugah din inadangyanad abuni-  
yan, mu unna ginulat an num-  
puhih tun luta, ti mi'id ah ina-  
dangyan, ya da'yu goh di dim-  
malat hi nangatana, ta way aton-  
yun umadangyan ad abuniyan, an  
dimmalat nan aid di inadang-  
yana. —2 iKulintu 8:9

## Hay Na'na'at 17:30

Hidin agguy nanginnilaan di tatagun Apo Dios, ya un goh din-dinong hi Apo Dios; mu ad ugwan, ya mandalonan amin di tataguh tun luta, ya ta way aton-dan mangiponag hinan ato'a-tondan nun'appuhi.

## Lukas 13:3

Umannung heten alyo', an adi ong'ongngol di baholda ya un nan udumna; mu adiyu ay du'gon nan nappuhin ato'atonyu, ya umat hina goh di ma'at ay da'yu, ti mapatoy ayu.

## Hay Na'na'at 3:19

Hay mahapul hi atonyu, ya muntutuyu ayuh nan inatyu, ta

hublianyuy ugaliyu, ta way aton Apo Dios an mangaliw hinan baholyu, ta adina u'unnungon. Ya atonyu ay, ya mun'al'alena-wa ayu, ti hay pangipadutu'an Apu tu'un da'yu.

Inalin Pedron diday, Hay mahapul, ya muntutuyu ayun amin hinan inatyun nappuhi, ta du'gonyud adiyu ipidpidwan aton; ya mabonyagan ayu, ya mangadan di ngadan Jesu Kristuh nan abonyaganyu; ya atonyu ay, ya ma'aliwan di baholyu, at adi ma'unung, ya midat goh ay da'yu nan ipa'daw Apo Dios an nan Na'abuniyanan an Len-nawa. —Hay Na'na'at 2:38

**Mateo 6:14**

Aliwanyu ay di bahol nan mangat hi nappuhin da'yu, at aliwan goh Ama tu'ud abuniyan di baholyu.

**Ezekiel 18:21**

Gulat ta du'gon nan tagun amin nan baholnah inatna, ta nan tugun'uy unudona, ta atonay nahamad, at immannung an adi gammoltah atayana mu nahamad di pi'taguana.

**Hay Nipa'innilan Juan 3:20**

Donglonyu! Ti pohdo' an mi'ligwan da'yu, an paddungnay wadaa' hinan pantaw an mungkulkug, ya mun'ayaga'; ya wada ay di mangngol hi ali', ta ibughu-

lana', at humigupa', ta me''ana' ay hiya, ta mangan amin duwa.

**Isaiah 55:7**

Hay mahapul, ya du'gon nan nun'abaholan nan ina'inatdan nappuhi, ta ipogpogda nan nomnomondah nappuhin ma'at, ta hi Apu tu'uy haggungondad way atonan mammo' ay dida, ta aliwanan amin di baholda.

**Hay Na'na'at 5:31**

Impabagtun Apo Dios hi Jesus ta nihodpeng hi agwanad mi'-bagtun hiya, ta hiyay ma'unud, ya hiyay Bumaliw; ya inatnad way aton nan Hudyun manublih ugalida, at ma'aliwan di baholdad adi ma'unung.

Nan iKolosi 3:2

Ihihi'alyu nan wad abuniyan,  
ya bo'on nan wah tun luta.

Adi tu'u amnawan an mihakup  
hinan nun'appuhih tun luta, ya  
adi tu'u goh amnawan nan mun'a-  
'amnawan an nun'appuhih tun  
luta. Ti amnawanyu ay hana, ya  
mid ah pamhodyun Ama tu'u. Ya  
hay adi malpu ay Apo Dios, ya  
hay gagangay di ugalih tun luta,  
ya nan popohdon nan nappuhi  
ugalidan aton, ya nan tigotigon  
nan tataguh amnawanda, ya nan  
pangiyamlaan nan tataguh gina-  
'uda; ya an amin hana, ya ga-  
ngayna, ti un tun lutay nalmu-  
wanda. —1 Juan 2:15, 16

Adiyu unudon nan aton nan ta-  
tagun paddungnay agguy napata-  
lan, ti nun'appuhi atonda. Mu hay  
atonyu, ya ipa'innilayu an nappu-  
hih nen atonda. —Nan iEpeso 5:11

Impa'innilan Apo Dios nan pa-  
ngipadutu'an an ditu'u, ta way  
aton an amin di tatagun mabali-  
wan. Ya dumalat nan pangipadu-  
tu'an an ditu'u, ya tugunon ditu'-  
ud adi tu'u unudon nan tagun  
mid pangulugdan Apo Dios; ya  
ngayaon tu'u nan ma'amnawan  
an nappuhi, an numbino'ob'on hi-  
tun luta, ta way aton tu'un ma-  
tpong, at nahamad di ugali tu'u,  
ta unudon tu'uy tugun Apo Dios  
eten ataguan tu'u. —Titu 2:11, 12

Hublia' hi balu nan nomnomyu ya ugaliyu ti da'yun mangipakat hi nomnomyu, ya hukata' ta un'un nud ayu. —Ezekiel 36:26

1 Juan 2:29

Inilayun nahamad di ugalin Kristu, at mabalin an inilayu goh an nan mangiyengngoh ay hiyad atonday nahamad, ya diday niyimbaluy Apo Dios.

2 iKulintu 5:17

Wa ay ta hi Kristuy idduman nan tagu, ya malmu nan nob'on an balun ugalina, ti nitapal din ugalinah hopapna, ta nahukatan hi balun ugali.

Numpidwa ayun niyimbaluy, ya hay nangiyimbaluy ay da'yuh pid-

wana, ya han adi matmattoy, ya bo'on nan matoy; ya nan hapit Apo Dios an adi ma'ma''ubah an dumalat nan pi'taguanyun hiya, ya hiyay nangiyimbaluyanan da'yu. —1 Pedro 1:23

Juan 3:3

Alyon Jesus ay Nikudimuy, Makulug hete han alyo', ti adi ay mumpidway tagun miyimbaluy, ya adi middum hinan Pumpap-to'an Apo Dios.

Inila tu'un adi itugtugan nan imbabaluy Apo Dios hitun lutan mabahobaholan, ti halimunan nan Imbaluy Apo Dios dida, at mid olog Satanas an mangat hi logom ay dida. —1 Juan 5:18

# Nan Ay Natoy an Bintiwday Bahol - An Ni'bangon 29 ay Kristu

## Nan iEpeso 2:1, 6

Din hopapna, ya ay paddungnay un ayu natoy, ti bintiwyu nan Maphod hi Ma'unud, ti inatyuy nappuhi, at nabaholan ayu. Mu ni'bagtuon ditu'un Apo Dios ay Jesu Kristu, ta middum tu'un hiyad abuniyan, ta mi'papto' tu'un hiyah nan pumpapto'ana.

## Nan iRoma 6:2, 11

Umat tu'uh nan natoy, an botiwonay atonah nappuhi; ya gulat ta paddungnay natoy tu'u, at undan mabalin hi un tu'u bangngabangngadon nan ina'inat tu'un nappuhih hopapna? Ya umat ayu

goh hina, at ibilangyuy odolyuh paddungnay natoy, ti din'ugyuy inatyuh nappuhih din hopapna; ya waday baluh ataguanyu, ta way atonyun mangunud hinan pohdon Apo Dios; ya nan ataguanyud ugwan, ya hiyay dimmalat hi iddumanyun Jesu Kristu.

## 1 Pedro 2:24

Hi Kristuy nangiyatoy hi bahol tu'uh nan numpinnaktiw an ayiw, ta way aton tu'un adi mabaholan, ya ta way aton tu'un mangihad hi ugali tu'uh tun atagu tu'u. Ya na'aliwan di baholyun dimmalat di nun'adinulan Jesus.

## Hay Pi'taguan hi Mid Pogpogna

**Juan 3:14, 15**

**Inhalangan Moises nan gumo' an niyammah ulog hinan mapulun an mid ah nunhitu, ta wa ay ta tigon nan tatagu, ya umadaogda, at mabaliwanda; ya umat goh hinay ma'at ay ha''in an Nitulang hitun Tatagu, ti mihalangana', at an amin di mangunud ay ha''in, ya mi'tagudan Apo Dios hi mid pogpogna.**

**Juan 5:24**

**Inalin goh Jesus di, Immannung heten alyo', ti nan tagun mangunud hinan hapit'u, ya kulgonda ay goh hi Apo Dios an nangay ay ha''in, ya mi'tagudan Apo Dios hi mid pogpogna. Ya adida**

**mamolta, at adida ahan milahhin ay Apo Dios ti minaynayun di pi'-taguandan hiyah mid pogpogna.**

**Juan 3:36**

**Nan mangulug hinan Imbaluy Apo Dios, ya mi'tagun Apo Dios hi munnononnong; mu nan adi mangulug hinan Imbaluyna, ya milahhindan Apo Dios ta nangamung, ya ibungobungot Apo Dios didah mid pogpogna.**

**Nan iRoma 6:23**

**Hay lagbun di nabaholan, ya hay ilahhinanan Apo Dios hi mid pogpogna; mu hay homo' Apo Dios, ya nan pi'taguan tu'un hiyah mid pogpogna, an dumalat hi Jesu Kristun Apu tu'u.**

Juan 14:21

Nan tagun mangngol hi tugun'u, ya inunudna, ya hiyay waday pamhodnan ha'in. Ya pohpohdon goh Amah nen tagu, ya pohpohdo' goh hiya, at ipa'innila' ay hiyay aat'u, ta way atonan manginnila.

Nan iRoma 8:16

Nan Na'abuniyanan an Lennawa goh di mangipa'innilan ditu'u, an ditu'uy imbaluy Apo Dios.

1 Juan 3:18, 19

Da'yun imbabaluy'u! Hay pangipattigan tu'uh pamhod tu'uh i'ibba tu'u, ya bo'on hay hapit ya anggay, ti hay ato'aton tu'uh

maphod ay dida, ti hiyay nahamad hi pangipattigan hi pamhod. Aton tu'u ay hana, ta nahamad di pamhod tu'uh i'ibba tu'u, ya hiyay panginnilaan tu'u, an inila tu'u nan nalpuwan di nahamad an tugun, at adi tu'u bumain hi idduman tu'un Apo Dios.

Hennag Apo Dios ay ditu'u din Na'abuniyanan an Lennawan niyo'odol hi hopapnan de han Imbaluyna, ta miyo'odol ay ditu'u; at hiyay panginnilaanyuh un da'-yu goh di imbabaluy Apo Dios, ya wa adyad alyon tu'un Apo Dios di, Ama, ya nan Na'abuniyanan an Lennaway mangipahapit ay ditu'u.

—Nan iGalasya 4:6

Mun'am'amlong nan tagun  
 Apo Dios hi pamaliwanan dida,  
 an umat hinan panginuman hi ay-  
 hugin danum hi unta ma'uwaw,  
 ti umipa'amlong. —Isaiah 12:3

Inali' hana, ta way atonyun  
 middum an mi'yam'amlong ay  
 ha''in, ya ta na'ahhamad di pun-  
 'am'amlonganyu. —Juan 15:11

### Nan iGalasya 2:20

Paddungnay unna' ni'yatoy ay  
 Kristuh nan nilanhaanah nan  
 numpinnaktiw an ayiw, ti na-  
 pogpog din nappuhin ugali'; mu  
 ta''on, ya waday nat'on hi ugali',  
 mu paddungnay un bo'on ha''in  
 ad ugali, ti hay ugalin Kristu, ti  
 niyo'odol hi Kristun ha''in; ya

heten ugali' ad ugwan, ya dumalat  
 nan panguluga' hinan Imbaluy Apo Dios, an hiyay namhod  
 ay ha''in; ya inyabulutnay nata-  
 yana, ti ha''in goh dimmalat.

Inila' an itudum di ato' ta way  
 ato' an mi'tagun he''ah mid pog-  
 pogna. —Psalm 16:11

### Nan iRoma 14:17

Hay aat di idduman tu'uh nan  
 Pumpapto'an Apo Dios, ya bo'on  
 nan ma'an, ya ma'inum di aptan;  
 ti hay aptan, ya hay anahamad di  
 ugali, ya adi tu'u mumbobohhol,  
 ta mid al'alin ditu'u, ya ta  
 mun'an'anla tu'un dumalat nan  
 niyo'odolan nan Na'abuniyanan  
 an Lennawan ditu'u.

## 1 Samuel 12:15

Gulat ta du'gonyu nan tugun Apu tu'u ta adiyu kulugon yanidugah di amoltaanyun Apo Dios an umat hidin nummoltaanah din o'ommodyuh penghana.

## 2 iTesalonika 1:7-9

Ditu'un mipadildilah, ya ipadinnong Apo Dios di ligat tu'uh awnih pumbangngadan Apu tu'un hi Jesus, ya nan nabagtun anghellan malpudad abuniyan, ta mumpatigawda; ya waday mabnang an apuy hi middum ay dida, ya moltaona nan mun'ulangut an adi mamhod an manginnilah aat Apo

Dios, ya nan adi mangunud hinan Maphod an Ulgud an hay aat Apu tu'un hi Jesus. Ya hay moltadan nen algaw an umaliana, ya adida mi'tagun Apo Dios, ya mapakaddad adida tigon nan angah Apu tu'u, ya nan anabagbagtun nan abalinana.

## Deuteronomy 11:26-28a

Ulgudo' di mahapul hi pilion-yuh unudonyud ugwan an algaw, ti gulat ta unudonyuy uldin Apu tu'un hi Apo Dios an idat'un da'yud ugwan an algaw, at idat Apo Dios di amaphodanyu; mugulat ta du'gonyud adiyu unudon, at idat Apo Dios di apuhianyu.

## Hay Pangibaagan hi Nidduman ay Kristu

Nan tagun makulug di ibaag-nah nan ibbanan tatagun alyonay, Ha''in di tagun Jesus, ya ibaag' u goh, ta alyo' ay Apo Dios ad abuniyan di, Hiyah te tagu'. Mu wada ay di mangihaut an mangalih nan tataguy, Bo'ona' tagun Jesus, ya inhaut'u goh, ta alyo' ay Apo Dios ad abuniyan di, Bo'on hete tagu'.  
—Mateo 10:32, 33

**Nan iRoma 10:9, 10**

Gulat ta ulgudonyuy un makulug an hi Kristuy Apu tu'u, ya kulugonyu goh an minahuan Apo Dios hiyah natayana, at mabaliwan ayu. Ti nan tagun kumulug, ya hiyay ibilang Apo Dios an nahamad di ugalina, ya nan tagun

mangulgud hi un hi Kristuy Apuna, ya hiyay mabaliwan.

**Nan iPilipay 2:11**

Ta''on hi un numbino'ob'on di hapitda, mu ibaagdan amin, an hi Jesu Kristuy Apun an amin di logom, ta hiyay panginnilaandah un na'abbagbagtuh Apo Dios, an hi Ama tu'u.

**Lukas 9:26**

Nan tagun bumain an mangalih un middum ay ha''in, ya bumain goh an mangalih unna' unudon, ya adia' abuluton, at adi' goh abuluton hiyah unna' mumbangngad an Nitulang hitun Tatagun nabagbagtu; ti impabagtua' ay Ama, ya nan anghelnan pinilina.

Emayaanyu, ya madedennan  
ayu! Ti nan pi'bohholyun Diyab-  
lu, ya ay ihunay un nan atata'ot  
an layon an humeeheel hi punle'-  
le'danan manganap hi patayonad  
ihdana. —1 Pedro 5:8

Initnud nan Na'abuniyanan an  
Lennawah Jesus, ta immuydah  
nan mapulun an mid nunhitu, ta  
way aton nan Diyablun mampong  
ay hiya. Ya inalin Jesus di, He''a  
Satanas, ya taynana'. Adi' unu-  
don henen alyom, ti hay impitudo'  
Apo Dios, ya inalinay, Hay maha-  
pul, ya ha''in an Apuyun hi Apo  
Dios di dayawonyu ya anggay, ya  
ha''in ya anggay di itamuanyu.  
At tinaynan nan Diyabluh Jesus;

ya immuyda nan anghel, ta hinali-  
munanda hiya. —Mateo 4:1, 10, 11

## 2 iTesalonika 2:9

Hi Satanas hiyay mannag eden  
Nappuhi Pangatna; ya an amin di  
atona, ya layah; ya do'ol di abali-  
nanan mangat hi numbino'ob'on  
an adi olog di tagun mangat an  
umipanoh'a, ta hiyay pangimma-  
tunan di tatagu.

## Nan iEpeso 6:11

Paddungnay mi'buhul tu'uh  
nan diyablu, at hay mahapul, ya  
ay ihunay unyu egtom an amin di  
gina'uyun mi'buhul, an hiyay idat  
Apo Dios ay da'yu, ta adi ayu  
ma'ameh hinan aton di diyablun  
mamalbalin da'yu.

## Hay Pangabakan ay Satanas

**2 iTesalonika 2:18**

Awniat mipattig han Mangat hi Nappuhi; mu la'tot ya umalih Apu Jesus, ya nan benangnay mangipalungtuy ay hiya, ya nan hodohdanay mamatox ay hiya.

**Jaime 4:7**

Hay mahapul, ya un'un nud ayun Apo Dios. Ya du'gonyuh Satanas, at taynan da'yu.

**Hebreo 2:14**

Nan imbabaluy Apo Dios an inulgud Jesus, ya ma'innilan tagun waday odolda; ya impad-dungnay aatna goh ay dida, at itudunay un taguh Jesus an wada goh di nalmuh odolna. Ya manu ay umat hinay aatna, ya ta

way atonan matoy, ta hiyay pangabakanan Satanas; ti hi Satanas dumalat hi atayan hi ilahhinan ay Apo Dios.

**Nan iRoma 8:35, 37**

Mid olog di logom an mangipadinong hi pamhod Kristun ditu'u. Ti ta'on un mid pohod di itaguan tu'u, unu maligatan tu'u, unu mipadildilah tu'u, unu gun tu'u mabtel, unu mawotwot tu'u, unu atata'ot di ma'at ay ditu'u, unu matoy tu'u, mu waday pamhod Kristun ditu'u damdama. Mu ta'on hi un numbino'ob'on di ligat tu'u, mu mangabak tu'u damdama, ti nan pamhod Kristun ditu'u.

## 1 Juan 4:20

Gulat ta way mangalih pen-hodnah Apo Dios, mu boholanay i'ibbana, ya un munlayah. Ti gulat ta nan tagun mid pamhod-nah nan i'ibbanan tagun tigoti-gona, at namaman mid pamhod-nan Apo Dios, ti agguyna tintin-nig. Ti nalaklakay mattig hi pohdon ya un nan adi mattig.

## 1 iKulintu 13:1

Ta''on hi un waday abalina' an humapit hinan do'ol an hinnat'on an hapit di tatagu, ya ta''on goh un nan hapit di anghel di ihapit'u, mu gulat ta mid inila' hi aat di pamhod, at mid hulbin hanan abalina'

damdama; at henen hapit'u, ya ay paddungnay gangha unu keng-keng an munhagalhal.

## Juan 13:35

Gulat ta mumpopohhodan ayu, ya hiyay panginnilaan an amin di tatagun da'yuy ku-mulug ay ha''in.

## Nan iGalasya 5:22, 23a

Nan tagun mangunud hinan itudun nan Na'abuniyanan an Lennawa, ya diday way pamhod-na, ya diday mindenol, ya uman-lada, ya ma'uyada goh, ya ma'ma'ullayda, ya ma'ahhi-mo'da, ya un'unnudda, ya iyuya-day aton nan i'ibbada, ya natpongda.

Juan 20:26-28

Unat goh naluh di hinduming-gu, ya na'amung goh nan intududuwan Jesus hinan kuwaltu, ya wada mahkay hi Tomas. Ya nun'ida'ig nan pantaw, mu himmigup damdamah Jesus, ya timma'dog goh hi ginagwada, ya inalinan diday, Mi'id al'alin da'yu. Ya inalin Jesus ay Tomas di, Ipogpogmu nan punduwaduwaam an mangulug unna' namahuhan! Ti taya nan beklat hi ngamay'uh inat nan lanha, at dopoom ta hamadom; ya taya goh din nagayang hi bane'eng'u, ta aw'a-wom. Ya inalin Tomas ay Jesus

di, He''ay Apu', ya he''ah Apo Dios an dayawo'.

Hay Na'na'at 10:39-41

Da'mi ihtigunah nan ina'innatnad Jerusalem, ya nan udumannah nan abablubablu an nuntituwan di Hudyu. Ya pinatoyda hiya, ti inlanhadah nan numpinnaktiw an ayiw. Mu nan atlun di algawnah natayana, ya minahu-an Apo Dios hiya, at timmagu; ya impattig Apo Dios hiyan da'mi, ya nan udumnan tagu. Ya agguy nipatigaw an amin hi tagu, an un anggay da'min pepento'nah ihtiguna. Ti heden namahuana, ya ne''ane''an amin hiya.

Nan iRoma 6:3-5

Undan mi'id inilayuh aat di abonyagan tu'u? Ti hay ipa'in-nilan nan abonyagan tu'u, ya niddum tu'un Jesu Kristu, at paddungnay niddum tu'un ni'-yatoy ay hiya. At wa ay ta mabonyagan tu'u, ya paddungnay un tu'u natoy, an ni'lubu' ay Kristu; mu minahuan Amana hiyan dimmalat nan nidugah an abalinana, at umat goh hinay na'at ay ditu'u, ti paddungnay namahuan tu'u goh, ti nahukatan hi balu nan ugali tu'u. Ti gulat ta niddum tu'un hiyan paddungnay natoy, an umat hi-

din inatna, at immannung an nid-dum tu'u goh ay hiyan paddung-nay namahuan tu'un umat hidin inatna.

Mateo 16:21

Ente''an Jesus an mangimohag hinan ipadildilahana, ta innilaon nan intudtuduwan, ya inalinay, Hay mahapul, ya umuya' ad Jerusalem, at ipadildilaha' hinan a'ap'apun di Hudyu, ya nan a'ap'apun di pun'alunon di tagun Apo Dios, ya nan muntudtuh nan Uldin; ya patayona', mu maluh di tuluy algaw, at mamahuana'.

## 40 Hay Ihamadan di Ugalihi Idduman ay Apu Tu'u

1 Pedro 1:15

An amin di atonyu, ya mahapul an ipattiguy anahamad di ugaliyu, an umat ay Apo Dios an namto' ay da'y, ti hiyay na'ahhamad di ugalina.

Lukas 1:74, 75

Inalin Apo Dios di makulug an baliwan ditu'uh nan bumuhul ay ditu'u, ta adi tu'u tuma'ot hi un tu'u hiya itamuan. Ya tigonay aat tu'un un'un nud ay hiya, ya nahamad di ugali tu'u, at middum ay ditu'u, ta nangamung di pogpog di ataguan.

2 iKulintu 7:1

Da'yun a'agi', an amin hatun inali', ya nipulung ay ditu'u! At

hay maphod hi aton tu'u, ya du'gon tu'un amin di numbino'ob'on an bahol an mamuhih punnomnoman, ya nan odol goh; at ihamad tu'uy aton tu'ud way aton di ugali tu'un na'ahhamad; mu hay aton tu'un mangat, ya e'gonan tu'uh Apo Dios.

2 Timiti 2:21

Ipaphod ay di taguy ugalina, ta adina unudon nan nun'appuhi, ya hiyay paddungnay ma'apgo-han, ti hiyay pento' Apu tu'uh puntamuona, at do'ol di abalinanah nan tamun Apu tu'u, ya hiyay nidadaan an mangat hinan maphod an logomnan tamu.

**Isaiah 35:8**

Heden mapulun an lutah penghana ya waday miyammah damunan kulha an hay ngadana ya Kulhan Apo Dios, ya mipaway pange'wan nan nabaholan ya nan manangpah, mu hay mange'wa ya nan tagun Apo Dios.

Hi Jesus, ya nibataan hinan babluy, ta hidi namatayandan hiya, ta way aton di bahol di tatanan ma'aliwan, an dimmalat di dalanan immayuh. —Hebreo 13:12

Ha''in, ya pamonyag'uy danum, ta hiyay panginnilaan hi un ayu muntutuyuh nan inatyun nappuhi, ta du'gonyud adiyu aton; mu waday umalin nabag-

bagtu ya un ha''in, an paddungnay adia' umdah himbutna; ya hay pamonyagnan da'yu ya nan Na'abuniyanan an Lennawa, ya han ay apuy. —Mateo 3:11

Din agguy nalmuwan tun luta, ya pepento' ditu'un Apo Dios, ta ditu'uy tagunan middum ay Kristu; at hay pangibilanganan ditu'u, ya mapatalan tu'un mi'id ah bahol tu'u. Ya dimmalat nan pamhodna. —Nan iEpeso 1:4

**1 Juan 1:9**

Ibaag tu'u ay di bahol tu'un Apo Dios, ya aliwanan amin di ina'inat tu'uh nappuhi, ta adina u'unnungon, ti makulug di aatna ya ipahunungnan amin di atona.

## Hay Niyodolan nan Na'abuniyanan an Lennawah nan Tagu

**Hay Na'na'at 1:8a**

**Miyo'odol nan Na'abuniyanan  
an Lennawan da'yu, ta idatnay  
abalinanyud da'yuy ihtigun ma-  
ngibaag hi aat'u.**

**Ezekiel 36:27**

**Ipiyodol'un da'yu nan Na'abu-  
niyanan an Lennawa ta way aton-  
yun mangunud hinan uldin'u ya  
tugun'u.**

**Nan iRoma 8:9**

**Adiyu unudon nan ipanomnom  
nan ugaliyuh hopapna, ti niyo'o-  
dol nan Na'abuniyanan an Len-  
nawan da'yu, at nan ipanomnom-  
nan da'yuy hiyay atonyu. Ti nan  
tagun agguy niyodolan nan Len-**

nawan Kristu, ya bo'on diday  
taguna.

**Hay Na'na'at 13:52**

**Ma' 'am'amlongda damdama  
nan nangunud ay Jesus ad Antiok  
an tinaynanda, ti iniladay hapit  
Apo Dios, ya niyo'odol nan Na'a-  
buniyanan an Lennawan dida.**

**Hay Na'na'at 4:31**

**Unat goh nalpah di nunluwalu-  
wandan Apo Dios, ya nunli' 'ayun  
henen baluy an na'amunganda.  
Ya niyo'odol nan Na'abuniyanan  
an Lennawa didan amin, at nete'-  
'ay tuliddan mangibabbaag hi-  
nan ulgud Apo Dios.**

Psalm 34:18

Hegnon Apo Dios nan tagun  
muntutuyuh nahamad hi baholda.

Isaiah 66:2

Ha''in di nunlumud abuniyan  
ya nan luta, at hakup'u an alyon  
Apu tu'u; mu ma'ahhimo'a', at  
nan mangipa'ampah odolnan  
muntutuyuh ina'inatna ya e'go-  
nana nan hapit'u, ya hom'o' hiya.

Hay Nipa'innilan Juan 21:4

Apulugon Apo Dios an amin di  
lugwada ta adida ipidpidwan  
lumugwa. Ya napogpog mahkay  
di atayanda, ya mapogpog mah-  
kay di punlungdayaanda, ya nan  
kumiylanda, ya nan ah'itanda.

Ti an amin hanan na'na'at hidin  
hopapna, ya mi'id mahkay an na-  
pogpog.

Psalm 37:3

Kulugon tu'uh Apu tu'u ya  
aton tu'uy maphod, ti aton tu'u  
ay ya mid al'alin ditu'uh nan nun-  
hituwan tu'u ya pumhod di pi'ta-  
guan tu'u.

1 Pedro 4:12, 13

Da'yun a'agi', ya adi ayu ma-  
noh'ah nan nidugah an ligatyuh  
mampong ay da'yu, ti hiyah ne  
aatna tuwali. At mun'am'amlong  
ayu, ti niddum ayun Kristuh nan  
ipadildilahana; at hay gutud di  
panniganyuh anabagbagtuna, ya  
midugah di pun'an'anlaanyu.

## Tulag hi Abaliwan Unta Matapngan

**Hebreo 2:18**

Abalinan Apo Dios an buma-dang hinan mitudul, ti enelanay aatna, ti nitudul, ya nipa dildilah goh.

**Psalm 34:19**

Do'ol di holtapon nan nahamad di ugalina, mu baliwan Apu tu'u didah nan holtaponda.

An amin nan numbino'ob'on an nitudul ay da'yu, ya hiyah ne gagangay nan mitudul hinan tatagu. Ya hay impulung Apo Dios hi abulutonah itudulanyu, ya nan abalinanyun mangedpol ya ang-gay; ya immannung an atonah nen impulungna, at hay itudulanyu, ya badangan da'yun Apo

Dios, ta way atonyun mangedpol, ta way atonyun man'ug hinan itu-dulanyu. —1 iKulintu 10:13

**Isaiah 43:2**

Gulat ta nidugah di ligatyun ay maluhung hi danum an hi'itangan malimuh ayu, mu mimidduma' ta adi da'yu abakon, ya gulat goh ta do'ol di ipaligligatanyun ay apuy hi pange'wanyu, mu mi'id ma'at ti ibaliw'u da'yu.

**Nan iRoma 8:28**

Nan tagun pento' Apo Dios an mangipa'annung hidin ninom-nomnah penhodnah aatda, ya di-day mamhod ay hiya, at an amin di ma'at ay dida, ya pumbalinon Apo Dios, ta hiyay amaphodanda.

## Hay Nipa'innilan Juan 3:5

Nan tagun mangemeh hinan nun'appuhi, ya malubungandah nan mumpaha' an lubung, ya adi' ubahon di ngadandah nan libnun nitud'an di ngadan nan tagun mi'tagun Apo Dios hi munnononnong. Ya ibaag'un alyo' di, Diday tagu', ta donglon Ama, ya nan a'anghelna.

## Hay Nipa'innilan Juan 2:7

Pa'addonglonyuh ne han alyon nan Na'abuniyanan an Lennawan da'yun tagun Apo Dios an ma'amu'amung! An amin di nangameh hinan nun'appuhi, ya abuluto' di pi'taguandan Apo Dios, ta munan'anladah munnononnong, ti i-

dat'uy biyangdan paddungnay mangan hinan bungan nan ayiw an mangidat hi ataguan, an wah nan galdeñ Apo Dios.

## Hay Nipa'innilan Juan 21:7

Hanan ma''aphod, ya hiyay idat'un amin hinan mangabak hinan nun'appuhi, ya ha''in dayawonda, ya diday imbabaluy'u.

## Hay Nipa'innilan Juan 3:21

Nan tagun mangameh hinan nun'appuhi, ya idat'uy biyangdan umbun an midelloh hinan umbuna' an mumpapto'; ya umat ay ha''in, ti inameh'uy nun'appuhi, at ad ugwan, ya inumbuna' an nidelloh hinan umbunan Aman mumpapto'.

Lukas 16:18

H an lala'in mangihiyen hi ihawana, ta mumbentan, ya hiyay immilugtap, ya han mangihawah nan babain ni'hiyan, ya immilugtap goh.

Nan iRoma 7:2, 3

Gulat ta han babain waday ihawana, ya itudun nan uldin, an adi mabalin an ihiyanay ihawanad mumbentan hi un agguy natoy han ihawana; mu gulat ta matoy henen lala'in ihawana, at adi mahapul an unudon nen babai nan uldin, an mangalih adi mumbentan. At hay aat nen uldin, ya gulat ta agguy natoy han ihawan nen babai, ta numbentan, at hi-

yay ma'alih umilugtap; mu gulat ta natoy nan lala'i, ya hay itudun nen uldin, ya mabalin an malhin goh henen babai; at gulat ta malhin, at adina ilugtap henen nah-hun an ihawana.

1 iKulintu 7:10, 11

Waday imandal'uh nan nalhin an tagu, mu bo'on ha'"in di alpuwana, ti hi Apu tu'u: Adi mabalin hi un taynan nan babai ihawana; mu gulat ta taynana nan ihawana, ya adi mabalin an malhin hi udumna, ta un mun'umu'utun unu bo'on ay, ya un mumbangngad hinan ihawana; ya adi mabalin goh hi un pakakon nan lala'i ihawana.

## Juan 14:3

Wa ay ta malpah an idadaan'uy ihinanyu, at mumbangngada' ta damuwo' da'yu, ya initnud'u da'yud mi'hina ayun ha''in.

## Markos 8:38

Ad ugwan, ya do'olday adi umunud, ya nun'abaholan, at nan tagun mi'hitun dida, ya bumain an mangalih un middum ay ha''in, ya bumain goh an mangalih un hay tugun'uy unudona, at adia' abuluton, ya adi' goh abuluton hiyah unna' mumbangngad. Ti ha''in an Nitulang hitun Tatagu, ya mitnud nan a'anghel Apo Dios hi pumbangngada', ya mabagbagtua', ti ipabagtgua' ay Ama.

## Mateo 24:30

Waday pangimmatunan ad dayah gutud di pumbangngada' an Nitulang hitun Tatagu; ya wa adyad tigon di numbino'ob'on hi taguh tun luta, ya mumpangalugwada; ti hay punnomnomandah ma'at ay dida, ya ha''in an Nitulang hitun Tatagu, ya tigona'; ti umalia' an midduma' hinan bunut, ya ongol di abalina', ti na'abbagbagtua'.

Ha''in an Nitulang hitun Tagu, ya hay aat di pumbangngada', ya umat hinan ilat an himbumagga, ya mumbenang hi bumuhu'an di algaw, ta nangamung di alimu-hana.

—Mateo 24:27

**Hay Nipa'innilan Juan 16:15**

Inalin Apu tu'uy, Elanyu, ti umat hinan umalian di mangakaw di alia'! At odolnah nan tagun tumu'al, ya agguyna inaan di lubungna; ta henen dumatnga', ya adi mumbobollad, ta adi tigon nan tatagud adi bumain!

**Lukas 12:40**

Dedennonyuy pumbangngada', ti ha''in an Napto' an Nitulang hitun Tatagu, ya mumbangngada' hinan adiyu panginnilaan.

**Hay Na'na'at 1:11**

Inalin din mumpaha' di lubung-day, Da'yun linala'in iGalili, ya anaad ta tatangngadonyud abuniyan? Heden tagun hi Jesus, an

nipatulud abuniyan, an nakak ay da'yu, ya umat hinan tinnigyun timmuluwanad abuniyan diaat goh di pumbangngadana.

**Mateo 16:27**

Mumbangngada' an Nitulang hitun Tatagu, an impabagbagtun Ama, ya mitnud goh nan a'anghel'u; ya un adya din nangat hi nappuhi, ya nappuhi goh di idat'uh lagbuna, ya nan nangat hi maphod, ya maphod goh di idat'uh lagbuna.

**Lukas 21:27**

Awniat tigona' an Napto' an Nitulang hitun Tatagu, ti midduma' hinan bunut, ya ongol di abalina', ya ma'abbagbagtua'.

# Nan Hapit Apo Dios

Ma'ubah tun luta ya ad daya;  
mu adi ma'ma"ubah nan hapit'u.

—Lukas 21:33

Inalin Jesus hinan Haduki, Nahihinnuh ne han imbagayu, ti mi'id inilayuh aat di impitudo' Apo Dios, ya mi'id inilayu goh hi aat do abalinan Apo Dios. —Mateo 22:29

Din inulgu'ulgud nan tatagun Apo Dios hidin penghana, ya bo'on hay nomnomday nalpuwana; ti nan Na'abuniyanan an Lennaway nangipa'innilan didah nan hapit Apo Dios. —2 Pedro 1:21  
Nan Biblia, ya hi Apo Dios di nangituduh nan intudo'da; ya

hana nan nitudo', ya ma"aphod, ti itudunay tu-gun Apo Dios, ya tugunonay tagun nappuhi ugalida, ya ipaphodna goh nan nahihinnuy aatda, ya itudunay aton tu'un mangihamad hi ugali tu'uh tun atagu tu'u. —2 Timoti 3:16

Nan hapitmu ya ibilang'un nabalul, at impa'enqua' ta way ato' an adi mangat hi nappuhi.

—Psalm 119:11

Nan hapitmuy paddungnay dilag'u ta ipapatlnay owo' ta adi mibahhaw di aya'.

—Psalm 119:105

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

**World Missionary Press, PO Box 120, New Paris, IN 46553-0120 USA**



Read booklets online or by App  
[www.wmp-readonline.org](http://www.wmp-readonline.org)